

今注本二十四史

# 梁書

熊清元 校注

四川出版集團  
巴蜀書社

三

傳

〔一〕

014008565

K239.1  
02  
V3

# 梁書

今注本二十四史

唐姚思廉撰

熊清元校注

四川出版集團  
巴蜀書社



三

傳

〔三〕



北航

C1696333

K239.1  
02  
V3

## 梁書 卷一三

## 列傳第七

## 范雲 沈約

范雲字彥龍，南鄉舞陰人，<sup>[1]</sup>晉平北將軍汪六世孫也。<sup>[2]</sup>年八歲，遇宋豫州刺史殷琰於塗，<sup>[3]</sup>琰異之，要就席，雲風姿應對，傍若無人。琰令賦詩，操筆便就，坐者歎焉。嘗就親人袁照學，晝夜不怠。<sup>[4]</sup>照撫其背曰：“卿精神秀朗而勤於學，卿相才也。”少機警，有識具，<sup>[5]</sup>善屬文，便尺牘，<sup>[6]</sup>下筆輒成，未嘗定藁，時人每疑其宿構。父抗，爲郢府參軍，<sup>[7]</sup>雲隨父在府，時吳興沈約、新野庾杲之與抗同府，<sup>[8]</sup>見而友之。

[1]南鄉：即順陽，郡名。治所在今河南淅川縣西北。《史記》卷五三《蕭相國世家》司馬貞《索隱》引顧氏云：“南鄉，郡名。《太康地理志》云：‘魏武帝建安中分南陽立南鄉，晉武帝又曰順陽郡也。’”清·錢大昕《廿二史考異》卷二六：“按《宋》、《齊》二《志》俱無南鄉郡，而有南鄉縣，爲順陽郡之治所。舞陰則南陽之

屬縣也。蓋梁時避武帝父諱，改順陽爲南鄉耳。”陳垣《史諱舉例》卷四“因避諱而生之訛異”條亦云：“南鄉即順陽，梁代避諱改也。”

舞陰：縣名。治所在今河南泌陽縣西北。此范氏祖籍。

[2]平北將軍：將軍名號。與平東、平西、平南將軍合稱四平將軍。多兼鎮守地區的刺史，統掌軍、政事務。晉第三品。按，本書卷四八《儒林·范縝傳》、《晉書》卷七二《范汪傳》及宋·汪藻《世說叙錄》“人名譜·南鄉舞陰范氏譜”並作“安北將軍”。疑“平”爲“安”字之訛。

[3]豫州：州名。治所在今安徽壽縣。殷琰：人名。祖籍陳郡長平。《宋書》卷八七有傳。

[4]嘗就親人袁照學，晝夜不怠：中華書局本《校勘記》：“各本作‘嘗就親人袁照學書，一夜不怠’，將‘晝’字誤分爲‘書一’二字。今據《册府元龜》七八九、八四三改正。按：《南史》云‘就其姑夫袁叔明讀《毛詩》，日誦九紙’。袁叔明即袁照。是范雲向袁照非學書法。”按，袁氏名炳，字叔明，祖籍陳郡陽夏。南朝著名文人江淹之摯友。淹有《袁友人傳》述其生平，見俞紹初、張亞新《江淹集校注》。蓋姚思廉避唐諱改“炳”爲“照”，而《南史》卷五七同傳則改稱其字。

[5]識具：具，舊本作“且”，中華書局本據百衲本改“具”。按，作“且”亦通。標點可改爲：“少機警有識，且善屬文……”

[6]尺牘：書信的通稱。

[7]郢府：郢州府。其地在今湖北武漢市武昌。參軍：官名。王公軍府屬官，參掌府曹事。宋第七品。

[8]新野庾杲之：庾杲之，祖籍新野郡。《南齊書》卷三四有傳。新野，治所在今河南新野縣。

起家郢州西曹書佐，<sup>[1]</sup>轉法曹行參軍。<sup>[2]</sup>俄而沈攸之舉兵圍郢城，<sup>[3]</sup>抗時爲府長流，<sup>[4]</sup>入城固守，留家屬

居外。雲爲軍人所得，攸之召與語，聲色甚厲，雲容貌不變，徐自陳說。攸之乃笑曰：“卿定可兒，<sup>[5]</sup>且出就舍。”明旦，又召令送書入城。城內或欲誅之。雲曰：“老母弱弟，懸命沈氏，若違其命，<sup>[6]</sup>禍必及親，今日就戮，甘心如薺。”<sup>[7]</sup>長史柳世隆素與雲善，<sup>[8]</sup>乃免之。

[1]西曹書佐：官名。州府屬官，與別駕從事史共掌本府官吏及選舉事。宋第九品。

[2]法曹行參軍：官名。王公軍府屬官，掌郵遞科程事。位在正參軍之下。

[3]沈攸之：吳興武康人。仕宋，官至車騎大將軍、開府儀同三司、荊州刺史。宋末，蕭道成擅權，有代宋之勢。沈攸之起兵嚮京師，順流而下，圍郢城。事見《宋書》卷七四《沈攸之傳》。郢城：即郢州州府所在地。

[4]長流：即長流賊曹參軍之省稱，諸公軍府屬官。掌刑獄盜賊事。宋第七品。

[5]定：六朝習語。終究，到底。可兒：六朝習語。對人贊美之辭，等於說“能幹的人”。

[6]若違其命：中華書局本《校勘記》：“《南史》及《冊府元龜》七五三、八七一、九四〇作‘若其違命’。”

[7]甘心如薺：《詩·邶風·谷風》：“誰謂荼苦，其甘如薺。”薺，薺菜。

[8]長史：官名。王公軍府屬官。掌本府官吏。其品秩依府主地位而定。宋持節都督府長史爲六品，諸軍長史爲七品。柳世隆：人名。祖籍河南解縣。《南齊書》卷二四有傳。



齊建元初，<sup>[1]</sup>竟陵王子良爲會稽太守，<sup>[2]</sup>雲始隨王，王未之知也。會遊秦望，<sup>[3]</sup>使人視刻石文，時莫能識，雲獨誦之，王悅，自是寵冠府朝。王爲丹陽尹，<sup>[4]</sup>召爲主簿，<sup>[5]</sup>深相親任。時進見齊高帝，值有獻白烏者，<sup>[6]</sup>帝問此爲何瑞？雲位卑，最後答曰：“臣聞王者敬宗廟，則白烏至。”時謁廟始畢。帝曰：“卿言是也。感應之理，一至此乎！”轉補征北南郡王刑獄參軍事，<sup>[7]</sup>領主簿如故，<sup>[8]</sup>遷尚書殿中郎。<sup>[9]</sup>子良爲司徒，又補記室參軍事，<sup>[10]</sup>尋授通直散騎侍郎、領本州大中正。<sup>[11]</sup>出爲零陵內史，<sup>[12]</sup>在任潔己，省煩苛，去游費，百姓安之。明帝召還都，及至，拜散騎侍郎。<sup>[13]</sup>復出爲始興內史。<sup>[14]</sup>郡多豪猾大姓，二千石有不善者，<sup>[15]</sup>謀共殺害，不則逐去之。<sup>[16]</sup>邊帶蠻俚，尤多盜賊，前內史皆以兵刃自衛。雲入境，撫以恩德，罷亭候，<sup>[17]</sup>商賈露宿，郡中稱爲神明。仍遷假節、建武將軍、平越中郎將、廣州刺史。<sup>[18]</sup>初，雲與尚書僕射江祐善，<sup>[19]</sup>祐姨弟徐藝爲曲江令，<sup>[20]</sup>深以託雲。有譚儼者，縣之豪族，藝鞭之，儼以爲恥，詣京訴雲，雲坐徵還下獄，<sup>[21]</sup>會赦免。永元二年，<sup>[22]</sup>起爲國子博士。<sup>[23]</sup>

[1]建元：齊高帝年號（479—482）。

[2]竟陵王子良：齊武帝子蕭子良封爵號竟陵王。《南齊書》卷四〇《武十七王》有傳。竟陵，郡名。治所在今湖北鍾祥市。會稽：郡名。治所在今浙江紹興市紹興縣。

[3]秦望：山名。在今浙江杭州市西南。《史記》卷六《秦始皇本紀》：始皇三十七年出遊，“上會稽，祭大禹，望於南海，而立石

刻頌秦德。其文曰”云云。唐·張守節《正義》有云：“其碑見在會稽山上。其文及書皆李斯，其字四寸，畫如小指，圓鑄。今文字整頓，是小篆字。”雲所誦刻石文，當即此。

[4]丹陽尹：京師所在丹陽郡長官。掌治民。宋第三品，齊不詳。丹陽，治所在今江蘇南京市。

[5]主簿：官名。漢以下，中央各機構及地方州郡皆置。掌文書簿籍，為掾吏之首。職位隨府主地位高下而異。

[6]白鳥：鳥之白者。古人以為祥瑞。沈約《宋書·符瑞志下》：“白鳥，王者宗廟肅敬則至。”

[7]征北：征北將軍之省稱，將軍名號。與征南、征東、征西將軍合稱四征將軍。多為持節都督，出鎮方面，地位頗高。宋第三品，齊不詳。南郡王：齊武帝子蕭長懋之初封爵號。見《南齊書》卷二一《文惠太子傳》。南郡，郡名。治所在今湖北荆州市江陵。刑獄參軍事：刑獄賊曹參軍事之省稱，官名。王公軍府屬官，掌刑獄盜賊事。宋第七品，齊不詳。

[8]領：官制術語。兼任較低職務。

[9]尚書殿中郎：官名。尚書省諸曹郎之一。屬尚書左僕射。掌殿中曹，常擬詔書，多用文學之士。齊第六品。

[10]記室參軍事：官名。王公軍府屬官，掌文書。宋第七品，齊不詳。

[11]通直散騎侍郎：官名。集書省屬官，與散騎侍郎通直，掌侍從，應對。員四人。宋第五品，齊不詳。大中正：官名。掌一州士人之品評，定其鄉品，以為選拔官吏之依據。多以他官兼領。

[12]零陵：郡名。治所在今湖南永州市。內史：官名。王國官員。掌治民。宋第五品，齊不詳。

[13]散騎侍郎：官名。集書省官屬。掌侍從，諷諫。員四人。宋第五品，齊不詳。

[14]始興：郡名。治所在今廣東韶關市東南蓮花嶺下。

[15]二千石：漢代內自九卿郎將，外至郡守尉的俸祿等級皆為

二千石。後因稱郎將、郡守爲二千石。

[16]不：同“否”。

[17]亭候：哨所。

[18]假節：古代大臣奉皇帝之命出行，持節以爲憑證並示威重，稱假節。魏晉以下以爲官名，有假節、持節、使持節之分，權力亦有小大之別。多爲都督諸州軍事及刺史總軍戎者。假節，有軍事可殺犯軍令者。建武將軍：將軍名號。五武將軍之一，統兵征戰。宋第四品。平越中郎將：武職名號。主護南越，治廣州。宋第四品，齊不詳。廣州：州名。治所在今廣東廣州市。

[19]尚書僕射：官名。尚書令副佐，並與尚書分領諸曹。南朝不常置，左右僕射並缺，則置以總左右事。員一人。齊第三品。江祐：人名。祖籍濟陽考城。《南齊書》卷四三有傳。

[20]曲江：縣名。治所在今廣東韶關市南武水西岸。

[21]徵：三朝本、百衲本皆作“儼”。

[22]永元：齊東昏侯年號（499—501）。二年：二，當是“三”之訛。說詳熊清元《范雲爲國子博士的時間問題》一文。

[23]國子博士：官名。南齊屬太常。掌國子學教授，備顧問。齊第六品。《文選》卷三八任彦昇《爲范尚書讓吏部封侯第一表》有云：“去歲冬初，國學之老博士耳；今茲首夏，將亞冢司。”李善注引劉璠《梁典》曰：“齊永元初，雲爲廣州刺史，因廢家居。久之，爲國子博士。”可與本傳參證。

初，雲與高祖遇於齊竟陵王子良邸，<sup>[1]</sup>又嘗接里閭，<sup>[2]</sup>高祖深器之。及義兵至京邑，<sup>[3]</sup>雲時在城內。東昏既誅，侍中張稷使雲銜命出城，<sup>[4]</sup>高祖因留之，便參帷幄，仍拜黃門侍郎，<sup>[5]</sup>與沈約同心翊贊。<sup>[6]</sup>俄遷大司馬諮議參軍，<sup>[7]</sup>領錄事。<sup>[8]</sup>梁臺建，<sup>[9]</sup>遷侍中。時高祖納齊東昏余妃，頗妨政事，雲嘗以爲言，未之納也。



後與王茂同入卧内，<sup>[10]</sup>雲又諫曰：“昔漢祖居山東，<sup>[11]</sup>貪財好色，及入關定秦，<sup>[12]</sup>財帛無所取，婦女無所幸，范增以爲其志大故也。<sup>[13]</sup>今明公始定天下，海內想望風聲，奈何襲昏亂之蹤，以女德爲累。”<sup>[14]</sup>王茂因起拜曰：“范雲言是，公必以天下爲念，<sup>[15]</sup>無宜留惜。”高祖默然。雲便疏令以余氏賚茂，<sup>[16]</sup>高祖賢其意而許之。明日，賜雲、茂錢各百萬。

[1]高祖：梁武帝廟號。

[2]接里閭：居所相近。《文選》卷三八任彦昇《爲范尚書讓吏部封侯第一表》：“政當以接閭白水，列宅舊豐。”五臣注云：“雲與梁武居止相近，故云。”里閭，里門。

[3]義兵：即義師。齊末，東昏侯蕭寶卷狂悖無道，雍州刺史蕭衍起兵嚮京師以討之。因稱其師爲義師或義兵。京邑：指京師建康。

[4]侍中：官名。門下省長官。掌奏事，直侍左右，應對獻替，並參與決策，是中樞集團重要成員。員四人。齊第三品。張稷：人名。本書卷一六有傳。

[5]黃門侍郎：官名。門下省次官與侍中俱掌門下衆事，侍從左右，關通中外。出入禁中，地位顯要。員四人。齊第五品。

[6]翊贊：輔佐贊助。

[7]諮議參軍：官名。王公府屬官，掌諷議。宋第七品，齊不詳。

[8]錄事：錄事參軍之省稱，官名。公府屬官。掌總錄衆署文書，舉彈善惡。宋第七品，齊不詳。

[9]梁臺建：指蕭衍爲梁公，建臺治事。臺，官署。

[10]王茂：人名。本書卷九有傳。

[11]漢祖：指漢高祖劉邦。山東：指嶠山之東，戰國時六國

之地。

[12]關：指函谷關。

[13]范增：秦末居巢人。輔項羽霸諸侯。後憤而離羽，病卒於道。事見《史記》卷七《項羽本紀》、卷八《高祖本紀》。《項羽本紀》云：“范增說項羽曰：‘沛公居山東時，貪於財貨，好美姬。今入關，財物無所取，婦女無所幸，此其志不在小。’”

[14]女德：即女色。

[15]必：若。

[16]疏：條陳。 賚：賞賜。

天監元年，<sup>[1]</sup>高祖受禪，柴燎於南郊，<sup>[2]</sup>雲以侍中參乘。禮畢，高祖升輦，謂雲曰：“朕之今日，所謂‘懷乎若朽索之馭六馬’。”<sup>[3]</sup>雲對曰：“亦願陛下日慎一日。”<sup>[4]</sup>高祖善之。是日，遷散騎常侍、吏部尚書，<sup>[5]</sup>以佐命功封霄城縣侯，<sup>[6]</sup>邑千戶。雲以舊恩見拔，超居佐命，盡誠翊亮，<sup>[7]</sup>知無不為。高祖亦推心任之，所奏多允。嘗侍讌，高祖謂臨川王宏、鄱陽王恢曰：<sup>[8]</sup>“我與范尚書少親善，申四海之敬；<sup>[9]</sup>今為天下主，此禮既革，汝宜代我呼范為兄。”二王下席拜，與雲同車還尚書下省，<sup>[10]</sup>時人榮之。其年，東宮建，<sup>[11]</sup>雲以本官領太子中庶子，<sup>[12]</sup>尋遷尚書右僕射，<sup>[13]</sup>猶領吏部。<sup>[14]</sup>頃之，坐違詔用人，免吏部，猶為僕射。

[1]天監：梁武帝年號（502—519）。

[2]柴燎：燒柴祭天。南郊：都邑之外曰郊，於都邑之南為圜丘以祭天，稱為南郊。

[3]懷乎若朽索之馭六馬：比喻小心謹慎。《尚書·五子之歌》：

“予臨兆民，懷乎若朽索之馭六馬。”

[4]日慎一日：《韓非子》第一卷《初見秦第一》：“且臣聞之曰：‘戰戰栗栗，日慎一日，苟慎其道，天下可有。’”

[5]散騎常侍：官名。集書省長官。劉宋以後，以掌侍從左右及圖書文翰爲主，地位較前代爲低。員四人。宋第三品，梁初同。

吏部尚書：官名。尚書省吏部曹長官，爲列曹尚書之首，地位隆重。掌官吏銓選、任免。多僑姓高門、世胄顯貴擔任。員一人，梁初第四品。

[6]霄城：縣名。治所在今湖北天門市東北。按，此遷，任昉有《爲范尚書讓吏部封侯第一表》，見《文選》卷三八，即代范雲作。

[7]翊亮：增輝。

[8]臨川王宏、鄱陽王恢：梁武帝弟蕭宏封爵號臨川王，蕭恢封爵號鄱陽王。本書卷二二《太祖五王》並有傳。臨川，郡名。治所在今江西南城縣東南。鄱陽，郡名。治所在今江西波陽縣。

[9]四海之敬：指兄弟之敬。錢大昕《廿二史考異》云：“蓋用《論語》‘四海之內皆兄弟’之語。”

[10]尚書下省：即尚書下舍，在建康宮城內。自晉以下尚書省官僚皆携家屬住此。

[11]東宮建：指蕭衍天監元年（502）十一月立長子蕭統爲皇太子，置官屬。見本書《昭明太子傳》。

[12]太子中庶子：官名。東宮官屬。與太子中舍子俱掌文翰、侍從規諫。員四人。梁初第四品。

[13]尚書右僕射：官名。尚書令副佐，與尚書分領諸曹，並主朝廷禮制。員一人。齊及梁初第三品。

[14]吏部：吏部尚書之省稱。

雲性篤睦，<sup>[1]</sup>事寡嫂盡禮，家事必先諮而後行。好

節尚奇，專趣人之急。少時與領軍長史王晔善，<sup>[2]</sup>晔亡於官舍，貧無居宅，雲乃迎喪還家，躬營含殯。<sup>[3]</sup>事竟陵王子良恩禮甚隆，雲每獻損益，未嘗阿意。子良嘗啓齊武帝論雲爲郡。帝曰：“庸人，聞其恒相賣弄，不復窮法，當宥之以遠。”子良曰：“不然。雲動相規誨，諫書具存，請取以奏。”既至，有百餘紙，辭皆切直。帝歎息，因謂子良曰：“不謂雲能爾。<sup>[4]</sup>方使弼汝，何宜出守。”齊文惠太子嘗出東田觀穫，<sup>[5]</sup>顧謂衆賓曰：“刈此亦殊可觀。”衆皆唯唯。雲獨曰：“夫三時之務，<sup>[6]</sup>實爲長勤。伏願殿下知稼穡之艱難，<sup>[7]</sup>無徇一朝之宴逸。”<sup>[8]</sup>既出，侍中蕭緬先不相識，<sup>[9]</sup>因就車握雲手曰：“不圖今日復聞讜言。”<sup>[10]</sup>及居選官，任守隆重，<sup>[11]</sup>書牘盈案，賓客滿門，雲應對如流，無所壅滯，官曹文墨，發擿若神，<sup>[12]</sup>時人咸服其明瞻。性頗激厲，<sup>[13]</sup>少威重，有所是非，形於造次，<sup>[14]</sup>士或以此少之。初，雲爲郡號稱廉潔，及居貴重，頗通饋餉；然家無蓄積，隨散之親友。<sup>[15]</sup>

[1]篤睦：寬厚、溫和。

[2]領軍：領軍將軍之省稱，將軍名號。禁衛軍最高統帥，權任甚重。宋第三品，齊不詳。

[3]含殯：指喪事。含，置於死者口中的玉物。三朝本、百衲本作“哈”。

[4]爾：如此。

[5]文惠太子：齊武帝長子蕭長懋爲太子，卒，謚號文惠。《南齊書》卷二一有傳。東田：《南史》卷五《鬱林王紀》：“文惠太

子立樓館於鍾山下，號曰‘東田’。太子屢遊幸之。”

[6]三時：《國語·周語上》：“三時務農而一時講武。”韋昭《注》：“三時，春、夏、秋。”

[7]知稼穡之艱難：《尚書·無逸》：“周公曰：嗚呼，君子所其無逸。先知稼穡之艱難，乃逸，則知小人之依。相小人，厥父母勤勞稼穡，厥子乃不知稼穡之艱難，乃逸乃諺。既誕，否則侮厥父母曰：昔之人無聞知。”

[8]徇：從。

[9]蕭緬：人名。齊宗室。《南齊書》卷四五有傳。

[10]讜言：正直的言論。《文心雕龍·奏啓》：“又表奏確切，號爲讜言。讜者，正偏也。王道有偏，乖乎蕩蕩，矯正其偏，故曰讜言也。”

[11]任守：各本同，《南史》卷五七同傳作“任寄”。按，參以《宋書》卷五六《謝瞻傳》“任寄隆重”之語，似當以“任寄”爲是。

[12]發擿（tī）：解說疑難。

[13]激厲：急激率直。

[14]造次：輕易。

[15]《藝文類聚》卷三四任昉《與沈約書》有云：“范侯淳孝睦友，在家必聞；直道正色，立朝斯著。一金之俸，必遍親倫；鍾庾之秩，散之故舊。佐命興王，必力俱盡；謀猷忠允，諒誠匪躬。破產而字死友之孤，開門而延故人之殯，則惟其常，無得而稱矣。”可與本段參看。

二年，卒，<sup>[1]</sup>時年五十三。高祖爲之流涕，即日輿駕臨殯。<sup>[2]</sup>詔曰：“追遠興悼，<sup>[3]</sup>常情所篤；況問望斯在，<sup>[4]</sup>事深朝寄者乎！<sup>[5]</sup>故散騎常侍、尚書右僕射、霄城侯雲，器範貞正，思懷經遠，爰初立志，素履有

聞。<sup>[6]</sup>脫巾來仕，<sup>[7]</sup>清績仍著。變務登朝，<sup>[8]</sup>具瞻惟允。<sup>[9]</sup>綢繆翊贊，<sup>[10]</sup>義簡朕心，雖勤非負勒，<sup>[11]</sup>而舊同論講。方騁遠塗，永毗庶政；<sup>[12]</sup>奄致喪殞，<sup>[13]</sup>傷悼於懷。宜加命秩，式備徽典。可追贈侍中、衛將軍，<sup>[14]</sup>僕射、侯如故。並給鼓吹一部。”<sup>[15]</sup>禮官請諡曰宣，勅賜諡文。<sup>[16]</sup>有集三十卷。<sup>[17]</sup>子孝才嗣，官至太子中舍人。<sup>[18]</sup>

[1]《文選》卷二三任彥昇《出郡傳舍哭范僕射》詩李善注引劉璠《梁典》曰：“天監二年，僕射范雲卒，任昉自義興貽沈約書曰：永念平生，忽爲疇昔。”可與本傳參證。

[2]輿駕：皇帝的車駕。此處代指皇帝。

[3]追遠：追念久遠之事。

[4]問望：名望。問，通“聞”。

[5]朝寄：朝廷所寄托。

[6]素履：淳樸的行爲。

[7]脫巾：脫去頭巾。指出仕。

[8]變務：變理朝廷政務。

[9]具瞻：《三國志》卷一〇《魏書·賈詡傳》裴注引《荀勗別傳》：“三公具瞻所歸，不可用非其人。”後因以指三公宰相之職。

[10]綢繆：情意殷勤。

[11]負勒：指隨從奔走的人。勒，馬繮。

[12]毗：輔佐。

[13]奄：忽然。

[14]衛將軍：將軍名號。爲重號將軍，多加大臣、重要地方長官。宋第二品，齊及梁初不詳。

[15]鼓吹：樂名。本軍樂，皇帝出行亦奏。魏晉以後亦用以贈賜有功之臣。



[16]勅：皇帝的詔令。

[17]有集三十卷：《隋書·經籍志》著錄：“梁尚書僕射《范雲集》十一卷並錄。”《新唐書·藝文志》著錄：“梁《范雲集》十二卷。”並與此異。

[18]太子中舍人：官名。東宮官屬。與太子中庶子共掌侍從及文翰。員四人。梁天監七年（508）革選，定流內官職為十八班，以班多者為貴，太子中舍人為八班。

沈約字休文，吳興武康人也。<sup>[1]</sup>祖林子，<sup>[2]</sup>宋征虜將軍。<sup>[3]</sup>父璞，淮南太守。<sup>[4]</sup>璞元嘉末被誅，<sup>[5]</sup>約幼潛竄，會赦免。既而流寓孤貧，篤志好學，晝夜不倦。母恐其以勞生疾，常遣滅油滅火。<sup>[6]</sup>而晝之所讀，夜輒誦之，遂博通羣籍，能屬文。

[1]吳興：郡名。治所在今浙江湖州市南下菰城。武康：縣名。治所在今浙江德清縣西千秋鎮。

[2]林子：即沈林子。此人與下文沈璞，《宋書》卷一〇〇《自序》有傳。

[3]征虜將軍：將軍名號。地位高於一般雜號將軍。宋第三品。

[4]淮南：郡名。治所在今安徽當塗縣。

[5]元嘉：宋文帝年號（424—453）。元嘉三十年，文帝長子劉劭弒立，沈璞以奉迎之晚見殺。事詳沈約《宋書》卷一〇〇《自序》。

[6]火：即燈。

起家奉朝請。<sup>[1]</sup>濟陽蔡興宗聞其才而善之；<sup>[2]</sup>興宗為郢州刺史，引為安西外兵參軍，<sup>[3]</sup>兼記室。<sup>[4]</sup>興宗嘗

謂其諸子曰：“沈記室人倫師表，宜善事之。”及爲荊州，<sup>[5]</sup>又爲征西記室參軍，<sup>[6]</sup>帶厥西令。<sup>[7]</sup>興宗卒，始爲安西晉熙王法曹參軍，<sup>[8]</sup>轉外兵，<sup>[9]</sup>並兼記室。入爲尚書度支郎。<sup>[10]</sup>

[1]奉朝請：本指大臣定期參加朝會，朝見皇帝。晉代以下以爲官名，安置閑散官員。宋齊無職事，亦不爲官。

[2]濟陽：郡名。治所在今河南蘭考縣東北堽陽鎮。蔡興宗：人名。祖籍濟陽郡考城縣。仕宋，官至開府儀同三司、荊州刺史。《宋書》卷五七有傳。

[3]安西：安西將軍之省稱，將軍名號。與安東、安南、安北將軍合稱四安將軍。爲出鎮方面的軍事長官，或作爲刺史兼理軍務的加官。權任頗重。宋第三品。外兵參軍：官名。諸公軍府屬官。掌本府軍隊政令。宋第七品。

[4]記室：記室參軍之省稱，官名。諸公軍府屬官，掌文書。宋第七品。

[5]荊州：州名。治所在今湖北荆州市江陵。

[6]征西：征西將軍之省稱，將軍名號。東西南北四征將軍之一。多爲持節都督，出鎮方面，權任頗重。宋第三品。

[7]帶：官制術語。帶其官號、俸祿而不理其職事之稱。厥西：舊本或作“關西”，或作“闕西”，誤。此依中華書局本校改。

[8]晉熙王：宋文帝子劉昶之嗣子燮之封爵號。《宋書》卷七二《文九王傳》有附傳。晉熙，郡名。治所在今安徽潛山縣。熙，原文爲“安”，誤。此依日人鈴木虎雄《沈約年譜》說改。參曹道衡、沈玉成著《中古文學史料叢考》卷四“《梁書·沈約傳》誤字”條。法曹參軍：官名。諸公軍府屬官。掌郵遞科程事。宋第七品。

[9]外兵：即外兵參軍。

[10]尚書度支郎：官名。尚書省諸曹郎之一。屬度支尚書。掌

財賦收支會計。宋第六品。

齊初爲征虜記室，帶襄陽令，<sup>[1]</sup>所奉之王，齊文惠太子也。<sup>[2]</sup>太子人居東宮，爲步兵校尉，<sup>[3]</sup>管書記，直永壽省，<sup>[4]</sup>校四部圖書。<sup>[5]</sup>時東宮多士，約特被親遇，每直入見，影斜方出。當時王侯到宮，或不得進，約每以爲言。太子曰：“吾生平嬾起，是卿所悉，得卿談論，然後忘寢。卿欲我夙興，<sup>[6]</sup>可恒早入。”遷太子家令，<sup>[7]</sup>後以本官兼著作郎，<sup>[8]</sup>遷中書郎，<sup>[9]</sup>本邑中正，<sup>[10]</sup>司徒右長史，<sup>[11]</sup>黃門侍郎。時竟陵王亦招士，<sup>[12]</sup>約與蘭陵蕭琛、琅邪王融、陳郡謝朓、南鄉范雲、樂安任昉等皆遊焉，<sup>[13]</sup>當世號爲得人。俄兼尚書左丞，<sup>[14]</sup>尋爲御史中丞，<sup>[15]</sup>轉車騎長史。<sup>[16]</sup>隆昌元年，<sup>[17]</sup>除吏部郎，<sup>[18]</sup>出爲寧朔將軍、東陽太守。<sup>[19]</sup>明帝即位，進號輔國將軍，<sup>[20]</sup>徵爲五兵尚書，<sup>[21]</sup>遷國子祭酒。<sup>[22]</sup>明帝崩，政歸冢宰，尚書令徐孝嗣使約撰定遺詔。<sup>[23]</sup>遷左衛將軍，<sup>[24]</sup>尋加通直散騎常侍。<sup>[25]</sup>永元二年，以母老表求解職，改授冠軍將軍、司徒左長史，<sup>[26]</sup>征虜將軍、南清河太守。<sup>[27]</sup>

[1]襄陽：縣名。雍州屬縣，治所在今湖北襄陽縣。

[2]文惠太子蕭長懋於齊初官征虜將軍、雍州刺史。詳《南齊書》卷二一《文惠太子傳》。

[3]步兵校尉：即太子步兵校尉，東宮三校之一，掌東宮宿衛營兵。

[4]永壽省：南朝齊所置收藏圖書之所，在京師建康宮城內。